

時病論卷之六目錄

秋傷於溼大意

傷溼

中溼

冒溼

溼熱

寒溼

溼溫

秋燥

擬用諸法

宣疎表溼法

辛熱燥溼法

苦温平燥法

松柏通幽法

備用成方

羌活勝溼湯

平胃散

除溼湯

金匱腎着湯

松峯達原飲

三仁湯

蒼苓白虎湯

桂苓甘露飲

杏蘇散

清燥救肺湯

滋燥養營湯

蜜煎導法

臨證治案

裏溼釀熱將成疽證

裏溼誤補成鼓得破則愈

中溼誤作虛風

秋溼時令忽患暴中

溼溫誤作伏暑

高年溼溫傷氣

溼溫化燥攻下得愈

妊娠燥氣爲病

感受秋涼燥氣

血虧液燥加感燥氣

時病論卷之六

安州劉賓臣先生鑒定

三衢雷豐少逸手著

受業


新安程曦錦雯  
盈川江誠抱一

叅訂

秋傷於溼大意

土寄於四季之末。四時皆有溼氣。何獨經謂秋傷於溼乎。蓋一歲之六氣者。風君相溼燥寒也。推四之氣。大暑至白露。正值溼土司權。是故謂之秋傷

秋傷於溼大意



於溼。鞠通先生列溼溫於夏末秋初。誠有高見。豐  
謂因溼爲病者有六。一曰傷溼。一曰中溼。一曰冒  
溼。一曰溼熱。一曰寒溼。一曰溼溫。蓋傷溼者有表  
裏之分焉。在表由於居溼涉水。雨露沾衣。從外而  
受者也。在裏由於喜飲茶酒。多食瓜果。從內而生  
者也。中溼者。卒然昏倒。頗與中風相似。冒溼者。因  
冒早晨霧露。或冒雲瘴山嵐。溼熱者。夏末秋初感  
受爲多。他時爲少。寒溼者。先傷於溼。後傷生冷。溼

溫者。溼釀成溫。溫未化熱。最難速愈。非寒溼之證。  
辛散可化。溼熱之證。清利可平之。此也。此六者皆  
溼邪之爲病耳。喻嘉言先生又謂秋傷於燥。發出  
秋燥之論。其說未嘗有謬。據按六氣而論。其實溼  
氣在於秋分之前。燥氣在於秋分之後。理固然矣。  
姑附秋燥一條。以備參攷。

傷溼

傷溼之病。原有表裏之因。蓋傷乎表者。因於居溼涉

水雨露沾衣其溼從外而受束於軀殼證見頭脹而  
癱胸前作悶舌苔白滑口不作渴身重而痛發熱體  
疲小便清長脈浮而緩或濡而小者此言溼邪傷於  
表也又有傷於裏者因於喜飲茶酒多食瓜果其溼  
從內而生踞於脾臟證見肌肉隱黃腕中不暢舌苔  
黃膩口渴不欲飲水身體倦怠微熱汗少小便短赤  
脈沉而緩者此言溼氣傷於裏也李時珍曰凡風藥  
可以勝溼利小便可以引溼爲治表裏溼邪之則也

豐師其法治表溼宜辛散太陽法減去桂枝加之蒼  
朮俾其在表之溼從微汗而解也治裏溼宜通利州  
都法俾其在裏之溼從小便而去也傷溼之證務宜  
分表裏而治之斯爲確當

倪松亭云治溼之道非一當細察而藥之如溼氣在  
於皮膚者宜用麻桂二朮之屬以表其汗譬如陰晦  
非雨不晴也亦有用羌防白芷之風藥以勝溼者譬  
如清風薦爽溼氣自消也水溼積於腸胃肚腹腫脹



者宜用遂戟芫牽之屬以攻其下。譬如水滿溝渠，非導之不去也。寒溼在於肌肉筋骨之間，拘攣作痛，或麻痺不仁者，宜用薑附丁桂之屬以溫其經。譬如太陽中天，則溼自乾也。溼氣在於臟腑之內，肌膚之外，微而不甚者，宜用朮蒼朴夏之屬以健脾燥溼。譬如些微之溼，以灰土糝之，則溼自燥也。溼氣在於小腸膀胱，或腫或渴，或小水不通，宜用二苓車瀉之屬以滲利之。譬如水溢溝澮，非疏通其實不達也。學者能

於斯理玩熟。則治溼之法。必中鵠矣。

豐按此論。可爲治溼之提綱。醫者勿忽。

### 中溼

中溼者。卽類中門中之溼中也。蓋溼爲陰邪。病發徐而不驟。今忽中者。必因脾胃素虧之體。宿有痰飲內留。偶被溼氣所侵。與痰相搏而上冲。令人涎潮壅塞。忽然昏倒。神識昏迷。與中風之證。亦頗相似。但其脈沉緩沉細沉澹之不同。且無口眼喎斜不仁不用之

各異。此即丹溪所謂濕熱生痰昏冒之證也。宜以增損胃苓法去猪苓澤瀉滑石加蘇子製夏遠志菖蒲治之。倘有痰築喉間聲如鼎沸誠有須臾變證之虞。可加蘇合香丸分爲兩次沖服。倘得痰平人省始有轉機。否則不可救也。

冒溼

冒溼之病得之於早晨。以霧露雲瘴山嵐。或天陰淫雨。晴後溼蒸。初受其氣。口似乎有物蒙之。以致首如裹。

遍體不舒、四肢懈怠、脈來濡緩之象、宜用宣疏表溼法、取其微汗、仿嘉言貴徐不貴驟之意、俾其溼邪還表而解、毋使其由表而入於裏、倘或腕中痞悶、微熱汗少、小便短赤、是溼邪已入於裏也、宜疏之劑、又不相宜、宜改通利之方、自然中的、傷溼條內、須參閱之、

溼熱

賈氏曰、夏熱則萬物溼潤、秋涼則萬物乾燥、若此論之、溼熱之證、在長夏而不在秋、豈非與內經之秋傷

於溼不合耶。細思之。斯二句書。不重夏秋二字。當重在熱涼二字也。蓋熱蒸則溼。涼勝則燥。理固然矣。卽如立秋處暑之令。炎蒸如夏。患者非秋溼。卽秋暑。其實秋令之溼熱。亦必夾之秋暑也。考溼熱之見證。身熱有汗。苔黃而澤。煩渴溺赤。脈來洪數是也。當用通利州都法治之。如大便秘結。加瓜蘆薤白。開其上以潤其下。如大便未下。脈形實大有力者。是溼熱夾有積滯也。宜本法內加元明粉製大黃治之。

或問曰、先賢嘗謂暑必夾溼、今先生謂溼熱夾暑、有是說乎、答曰、小暑之節、在於相火之後、大暑之氣、在於溼土之先、故先賢有暑必夾溼之訓也、豐謂溼熱夾暑、專在大暑至白露而言、蓋斯時溼土主氣、暑氣漸退、溼令方來、而溼甚於暑者、故謂之溼熱夾暑也、又問曰、章虛谷錄薛生白溼溫之條、加之註解、統以溼溫稱爲溼熱、今先生分門而論者何也、曰、溼體本寒、寒溼可以溫散、醞釀成熱、熱溼可以清通、惟溼溫

不熱不寒，最爲難治。斷不可混溼溫爲溼熱，理當分列溼熱溼溫爲二門。又問曰：溼熱致病者多，何略而弗詳乎？曰：因溼致病者，固屬不少，如腫滿黃疸淋濁等證，諸先賢皆早詳於雜證之書，是編專論時病，毋庸疊贅可耳。

寒溼

傷溼又兼寒，名曰寒溼。蓋因先傷於溼，又傷生冷也。夫寒溼之證，頭有汗而身無汗，遍身拘急而痛，不能

轉側近之則痛劇脈緩近遲小便清白宜以辛熱燥  
溼法治之毋使其醞釀成溫而成溼溫之病溫甚成  
熱而成溼熱之病又毋使其變爲痰飲伏而不發交  
冬發爲咳嗽之病由是觀之可不速罄其溼乎須知  
寒溼之病患於陽虛寒體者爲多辛熱燥溼之法未  
嘗不爲脗合溼熱之證患於陰虛火體者爲多此法  
又宜酌用耳質質者不別病之寒溼熱溼體之陰虛  
陽虛一遇溼病概投通利之方若此鹵莽未有不誤



人者也。

溼溫

溼溫之病、議論紛紛、後學幾無成法可遵、有言溫病復感乎溼、名曰溼溫、據此而論、是病乃在乎春、有言素傷於溼、因而中暑、暑溼相搏、名曰溼溫、據此而論、是病又在乎夏、有言長夏初秋、溼中生熱、卽暑病之偏於溼者、名曰溼溫、據此而論、是病又在乎夏末秋初、細揆三論、論溼溫在夏末秋初者、與內經秋傷於

溼之訓頗不齟齬。又與四之氣大暑至白露。溼土主氣亦屬符節。當宗夏末秋初爲界限也。所有前言溫病復感於溼。蓋溫病在春。當云溫病夾溼。言素傷於溼。因而中暑。暑病在夏。當云中暑夾溼。皆不可以溼溫名之。考其致病之因。良由溼邪踞於氣分。醞釀成溫。尙未化熱。不比寒溼之病。辛散可瘳。溼熱之病。清利乃解耳。是病之脈。脈無定體。或洪或緩。或伏或細。故難以一定之脈。印定眼目也。其證始惡寒。後但熱。

不寒、汗出胸痞、舌苔白、或黃、口渴不引飲、宜用清宣  
溫化法去連翹、加厚朴、豆卷治之、倘頭痛無汗、惡寒  
身重、有邪在表、宜用宣疎表溼法、加葛羌神麴治之、  
倘口渴自利、是溼流下焦、宜本法內去半夏、加生米  
仁、澤瀉治之、倘有脛冷腹滿、是溼邪抑遏陽氣、宜用  
宣陽透伏法去草果、蜀漆、加陳皮、腹毛治之、如果寒  
熱似瘧、舌苔白滑、是爲邪遏膜原、宜用宣透膜原法  
治之、如或失治、變爲神昏譫語、或笑、或瘵、是爲邪逼

心包營分被擾，宜用祛熱宣竅法，加羚羊鈎藤元參  
生地治之。如撮空理線，苔黃起刺，或轉黑色，大便不  
通，此溼熱化燥，閉結胃腑，宜用潤下救津法，以生軍  
易熟軍，更加枳殼、庶幾攻下有力耳。倘苔不起刺，不  
焦黃，此法不可亂投。溼溫之病，變證最多，殊難罄述，  
宜臨證時活法可也。

秋燥

推六氣之中，燥金主氣，自秋分而至立冬，喻嘉言以

燥令行於秋分之後，所以謂秋不遽燥，確與氣運相合也。沈目南云：性理大全謂燥屬次寒，奈後賢悉謂屬熱，大相徑庭。如盛夏暑熱炎蒸，汗出泚泚，肌肉潮潤而不燥也。深秋燥令氣行，人體肺金應之，肌膚乾槁而燥，乃火令無權，故燥屬涼，謂屬熱者非矣。豐細玩之，誠非謬也。凡治初患之燥氣，當宗屬涼擬法。夫秋燥之氣，始客於表，頭微痛，畏寒咳嗽，無汗鼻塞，舌苔白薄者，宜用苦溫平燥法治之。若熱渴有汗，咽喉

作痛。是燥之涼氣已化爲火。宜本法內除去蘇荊桂芍。加元參麥冬牛旁象貝治之。如咳逆胸疼痰中兼血。是肺絡被燥火所劫。宜用金水相生法去東參五味。加西洋參旱蓮草治之。如諸證一無。惟腹作脹大便不行。此燥結盤踞於裏。宜用松柏通幽法治之。總而言之。燥氣侵表。病在乎肺。入裏病在腸胃。其餘肝燥腎燥血枯虛燥皆屬內傷之病。茲不立論。

或問曰。先生遵喻氏秋燥論。中秋不遽燥。燥氣行於

秋分以後之說。殊未見醫醕賸義中論之最詳。又明出喻氏之謬。既謂燥氣行於秋分以後。而秋分以前四十五日。全不關於秋燥矣。故云初秋尙熱。則燥而熱。深秋既涼。則燥而涼。此誠是振聾發聵之語。先生曷不遵之爲龜鑑耶。答曰。子不知六氣循環。亦疑喻氏之謬。不察大寒至驚蟄。主氣風木。春分至立夏。主氣君火。小滿至小暑。主氣相火。大暑至白露。主氣溼土。秋分至立冬。主氣燥金。小雪至小寒。主氣寒水。此

年年之主氣，千古不易。由是而推，則燥金之令，確在乎秋分而至立冬，而秋分以前之白露處暑立秋四十五日，猶是溼土主氣，豈可誤爲燥氣乎？子以爲然否，或唯唯而退。

程曦曰：論燥氣者，首推嘉言，其次曰南與鞠通也。嘉言論燥，引大易水流溼，火就燥，各從其類，乃論燥之復氣也。曰南所論燥病屬涼，謂之次寒，乃論燥之勝氣也。至鞠通論燥，有勝氣復氣，與正化對



化從本從標之說可爲定論。乃曰如仲景用麻桂  
薑附治寒之勝氣也。治寒之正化也。治寒之本病  
也。白虎承氣治寒之復氣也。治寒之對化也。治寒  
之標病也。能於此理悟通。則燥氣之勝復正對本  
標亦皆了然於胸中矣。

江誠曰。人皆知溫爲熱。而不知燥爲涼。以燥爲熱  
者。蓋因燥字從火之弊耳。試問旣以燥爲熱。曷不  
以溫字從水而爲寒乎。不知四時之令。由春溫而

後夏熱由秋涼而後冬寒。目南先生引性理大全之說。謂燥屬涼。真所謂千載迷津。一朝點破耳。

擬用諸法

辛散太陽法

見卷五第十九頁

通利州都法

見卷三第二十二頁

增損胃苓法

見卷四第十五頁

宣疎表溼法

治冒溼證。首如裹。遍體不舒。四肢懈怠。

疴病論 卷之二  
蒼朮 一錢 土炒

防風 一錢 五分

秦艽 一錢 五分

藿香 一錢

陳皮 一錢 五分

砂殼 八分

生甘草 五分

加生薑三片煎服。

此治冒溼之法也。君以蒼朮防秦，宣疏肌表之溼。被溼所冒，則氣機遂滯，故臣以藿陳砂殼通暢不舒之氣。溼藥頗燥，佐以甘草潤之。溼體本寒，使以生薑溫之。

辛熱燥溼法

治寒溼之病。頭有汗而身無汗。遍身拘急而痛。

蒼朮 一錢二分 土炒

防風 一錢五分

甘草 八分

羌活 一錢五分

獨活 一錢五分

白芷 一錢二分

草豆蔻 七分

乾薑 六分

水煎服

法中蒼防甘草。即海藏神朮散也。用於外感寒溼

之證。最為中的。更加二活白芷。透溼於表。草蔻乾

薑燥溼於裏諸藥皆溫熱辛散倘陰虛火旺之體

勿可浪投

清宣溫化法

見卷五第二十五頁

宣透膜原法

見卷五第二十頁

宣陽透伏法

見卷五第二十二頁

祛熱宣竅法

見卷一第十三頁

潤下救津法

見卷一第十六頁

苦溫平燥法

治燥氣侵表。頭微痛。畏寒無汗。鼻塞咳嗽。

杏仁

三錢去皮尖研

陳橘皮

一錢五分

紫蘇葉

一錢

荊芥穗

一錢五分

桂枝

一錢蜜水炒

白芍

一錢酒炒微焦

前胡

一錢五分

桔梗

一錢五分

水煎溫服

凡感燥之勝氣者。宜苦溫為主。故以橘杏蘇荊以解之。加白芍之酸。桂枝之辛。是遵聖訓燥淫所勝。平以苦溫。佐以酸辛是也。秋燥之證。每多咳嗽。故

佐前桔以宣其肺。肺得宣暢。則燥氣自然解耳。

金水相生法

見卷四第二十一頁

松柏通幽法

治燥結盤踞於裏。腹脹便閉。

松子仁 四錢

柏子仁 三錢

冬葵子 三錢

火麻仁 三錢

苦桔梗 一錢

瓜蒌殼 三錢

薤白頭 八分

大腹皮 一錢  
酒洗

加白蜂蜜一調羹冲服。

此仿古人五仁丸之法也。松柏葵麻皆滑利之品。潤腸之功非小。較硝黃之推蕩尤穩耳。丹溪治腸痺每每開提上竅。故以桔梗薤薤開其上。復潤其下。更加大腹寬其腸。白蜜潤其燥。幽門得寬得潤。何慮其不通哉。

備用成方

羌活勝溼湯

治溼氣在表。頭痛頭重。或腰脊重痛。或一身盡痛。



微熱昏倦。

羌活。

獨活。

川芎。

藁本。

蔓荊子。

防風。

甘草。

水煎服。

平胃散。

治溼淫於內，脾胃不能尅制者。

蒼朮。

陳皮。

厚朴。

甘草。

爲末薑湯下。

除溼湯

治傷溼腹痛，身重足軟，大便溏瀉。

蒼朮

陳皮

茯苓

製夏

藿香

厚朴

甘草

水煎服

豐按：羌活、滲溼湯是治表溼，平胃散、除溼湯是治裏溼。傷溼之證，總當分表裏而治之。

金匱腎着湯

治傷溼身重腹痛腰冷

乾薑

茯苓

白朮

甘草

水煎服

豐按經心錄加肉桂牛膝杜仲澤瀉更爲切當認  
庵雖謂屬外感之溼非腎虛也竊謂受邪之處無  
有不虛標本兼治未嘗不妥

松峯達原飲

又可達原飲有知母黃芩無黃柏梔子茯苓

治溼熱盤踞膜原

檳榔

草果

厚朴

白芍

甘草

黃柏

梔子

茯苓

水煎服

劉松峯曰。溫而兼溼。故去知母。而換黃柏以燥溼。且救水。而利膀胱。云黃芩換梔子。瀉三焦之火。而下行利水。加茯苓利小便。而益脾胃。三者備。而溼熱除矣。

三仁湯

治溼温胸悶不飢舌白不渴午後身熱狀若陰虛

杏仁

薏仁

生米仁

滑石

通草

竹葉

厚朴

製夏

水煎日三服

蒼苓白虎湯

治溼温身重胸滿頭疼妄言多汗兩脛逆冷

蒼朮

茯苓

石膏

知母

生甘草

加粳米煎服。

豐按三仁湯治溼溫之輕者、蒼苓白虎湯治溼溫之重者、當別見證而分治之。

桂苓甘露飲。

統治溼溫溼熱。

茯苓。

豬苓。

白朮。

澤瀉。

肉桂。

滑石。

石膏。

寒水石。

水煎溫服。

豐按此方卽五苓散如三石蓋五苓利溼三石清熱治溼溫最合倘治溼熱當去肉桂可也

杏蘇散

治燥傷本臟頭微痛惡寒咳嗽稀痰鼻塞噎塞脈弦無汗

杏仁

蘇梗

茯苓

製夏

陳皮

甘草

枳殼

桔梗

前胡

加薑棗煎服。

清燥救肺。

治諸氣臍鬱，諸痿喘嘔之因於燥者。

麥冬。

阿膠。

杏仁。

麻仁。

桑葉。

枇杷葉。

人參。

甘草。

石膏。

水煎溫服。

滋燥養營湯。



治火爍肺金。血虛外燥。皮膚皴揭。筋急爪枯。或大便秘結。

當歸。

黃芩。

生地。

熟地。

白芍。

甘草。

秦艽。

防風。

水煎溫服。

蜜煎導法。

治陽明證。自汗。小便利。大便秘者。

蜂蜜。

用銅器微火熬。頻攪勿令焦。候凝如飴。捻作挺子。頭銳如指。糝皂角末少許。乘熱納穀道中。用手抱住。欲大便時去之。

加鹽少許亦可。鹽能潤燥軟堅。

豐按六氣之中。惟燥氣難明。今人治燥。動手非沙

參玉竹。卽生地二冬。不知燥有勝氣。復氣在表在裏之分。如杏蘇散是治燥之勝氣。清燥救肺湯是治燥之復氣。滋燥養營湯。血虛外燥者宜之。蜜煎導法。液虧裏燥者宜之。一偏滋補清涼。非法也。

臨證治案

裏溼釀熱將成疸證

徽商張某神氣疲倦胸次不舒飲食減少作事不耐煩勞前醫謂脾虛用六君子湯爲主未效又疑陰虛改用六味湯爲主服下更不相宜來舍就診脈息沉小緩濇舌苔微白面目隱黃豐曰此屬裏溼之證誤用滋補使氣機閉塞則溼釀熱熱蒸爲黃黃疸將成之候倘不敢用標藥蔓延日久必難

圖也。卽用增損胃苓法去豬苓，加秦艽、茵陳、查肉、雞金治之。服五劑，胸脘得暢，黃色更明，惟小便不得通利。仍照原方去秦艽，加木通、桔梗。又服五劑之後，黃色漸退，小水亦長。改用調中補土之方，乃得全愈。

裏溼誤補成鼓，得破則愈。

西鄉鄭某，水溼內侵於脾，神疲肢軟，自疑爲體虧而餌大棗，則腹皮日脹，納食尤劇。來求豐診，兩手

之脈沉緩而鈍。以手按其腹，緊脹如鼓。此屬氣阻溼留。將成鼓脹之候。乘此體質尙實，正氣未衰，當用消破之劑，以治其標。卽以蓬朮、檳榔、青皮、蕪子、乾薑、官桂、厚朴、蒼朮、雞金爲引，連服七劑而寬。

中溼誤作虛風

城東葉某因公勞役，由遠方歸，覺眩暈神疲，自以爲虧，先服東參龍眼，卽延醫治，乃作水不涵木，木動生風論治。服藥後忽倒，神識糲糊，急求治於豐

診得脈象沉小而滑。思脈沉肢冷爲中氣。今肢不冷者非。忽倒神昏似中風。然無口眼喎斜者。又非。推其起病之初。有眩暈神疲等證。其神疲者。必因溼困於脾也。眩暈者。無痰不作也。此宿伏之痰與新侵之溼。相搏上冲所致。斯爲中溼證也。卽用宣竅導痰法。加竹瀝薑汁治之。三劑而神醒矣。後用六君爲主。以收全效。

秋溼時令。忽患暴中。

丁丑孟秋，炎蒸如夏，乍雨如霉，患急病者甚眾。有城北王某，刈稻歸來，正欲晚餐，倏然昏倒，不知人事。痰響喉間，吾衢土俗，以爲齷齪，卽倩人揪刮，神識略見清明，邀豐診之。脈來沉細，舌苔白滑。豐曰：此中溼也。傍有一醫曰：沉細之脈，白滑之苔，當是中寒，分明四逆大順之證。豐曰：欲用桂附，則予謝不敏矣。彼醫不言而退。其妻泣涕求治。豐聞呼吸之聲，將有痰起，風雲之變，恐在頃刻，卽用藿香神

麴川朴杏仁製夏陳皮菖蒲遠志竹瀝薑汁合爲  
一劑服之未有進退令加蘇合香丸痰響漸平人  
事稍醒守舊略爲增損連嘗數劑而痊

江誠曰舌苔白滑寒象也沉細之脈少陰中寒也  
考今歲又係太陽在泉寒淫於內彼醫謂中寒欲  
用四逆大順似乎相像不知中寒中溼大有攸分  
以脈舌而論似屬中寒以時令而論實爲中溼雖  
脈沉細舌苔白滑但無吐瀉腹痛肢冷等證豈可



遽認爲寒，四逆大順，豈可隨手而用。况在孟秋，正值溼土主氣，相火容氣，又非寒水加臨之候。故是證直斷爲溼，而用宣竅導痰之藥，以收效耳。

溼溫誤作伏暑。

錢江陸某，偶患溼溫時氣，延醫調治，從伏暑立方，未效。來迓於豐，推其起病根由，確係溼溫之病。前用一派涼劑，焉望中窾。殊不知溼爲陰邪，因氣機閉阻，溼邪漸化爲溫，而未釀熱，所以涼藥無功。卽

熱劑亦無效驗。非比寒溼辛散可解。熱溼清利可  
瘥。今診脈形。右部勝左。舌苔黃澤。胸悶汗多。發熱  
纏綿靡已。此邪尙在氣分。猶望其宣透而解。當用  
清宣溫化法。加厚朴治之。服二劑。胸次稍寬。汗亦  
減少。惟驅熱尙未退盡。繼以舊法。除去半夏。再加  
通草。蟬衣。連服三煎。遂愈。

高年溼溫傷氣

徽歛程某。年屆賜鳩。忽患溼溫之證。曾延醫治。一

稱伏暑。一稱溼溫。一稱虛損。清利與補皆未中鵠。始來商治於豐。診其脈虛數少神。心煩口渴。微熱有汗。神氣極疲。此皆溼溫傷氣之證也。治宜益氣卻邪。卽以東參、麥味、甘草、陳皮、生苡、苓瀉治之。令服數貼。熱渴並減。但精神尙倦。飲食少餐。姑率舊章。佐以神苓、夏麩。又服數貼。口復一日矣。

溼溫化燥攻下得愈。

須江周某之郎。由溼溫誤治。變爲唇焦齒燥。舌苔

乾黑身熱不眠。張目妄言。脈實有力。此分明溼溫化熱。熱化燥。燥結陽明。非攻下不能愈也。卽用潤下救津法。服之未效。屢欲更衣而不得。後以熟軍改爲生軍。更加杏霜。枳殼。始得大解。色如敗醬。臭不可近。是夜得安寐。讖妄全無。次日舌苔亦轉潤矣。繼以清養肺胃。調理二旬而安。

妊娠燥氣爲病

三湘喻某之內。孕經七月。忽受燥氣。咳嗽音嘶。前

醫質質。不詢月數。方內遂批爲子瘕。竟忘卻內經有婦人重身。九月而瘕一段。醫者若此。未免爲識者所譏。觀其方案。龐雜之至。所以罔效。豐診其脈。弦滑而來。斯時肺經司胎。咳逆音啞。顯係肺金被燥氣所侵之證。宜辛涼解表法。去蟬衣。淡豉。加桑葉。菊花。橄欖爲引。連嘗三服。音揚咳止矣。

感受秋涼燥氣

城西戴某之女。賦稟素虧。忽患微寒微熱。乏痰而

咳前醫用耆皮桂芍和其營衛百合款冬潤其乾  
咳西黨歸身補其氣血方藥似不雜亂但服下胸  
膈更閉咳逆益勤寒熱依然不減豐診其脈浮弦  
沉弱舌苔白薄此感秋涼之燥氣也卽用蘇梗橘  
紅蟬衣淡豉萸皮叭噠象貝前胡服二劑寒熱遂  
減咳逆猶存病家畏散不敢再服復來邀診豐曰  
邪不去則肺不清肺不清則咳不止倘懼散而喜  
補補住其邪則虛損必不可免仍令原方服二劑

此症往之不暇，如...  
見新處補，愈補愈劇

使病如深，治之不可救

其然，任何妙法。

其咳日漸減矣，後用輕靈之藥而愈，可見有是病  
當用是藥，知其虧而不補者，蓋邪未盡故也。

血虧液燥，加感燥氣。

雲岫錢某之妹，素來清瘦，營血本虧，大解每每維  
艱，津液亦虧，固已。邇來畏寒作咳，胸次不舒，脈象  
左部小澹，而右部弦勁，此屬陽明本燥，加感燥之  
勝氣，肺經受病，氣機不宣，則大便益不通耳。遂用  
蘇梗、杏仁、陳皮、桔梗、萸皮、薤白、淡豉、葱葉治之，服

二劑畏寒已屏，咳逆亦疎，惟大解五日未行，思丹溪治腸痺之證，每每開提肺氣，使上焦舒暢，則下竅自通泰矣。今照舊章加之，塊鈴紫菀、柏子麻仁，除去蘇陳葱豉，令服四煎，得燥屎數枚，肛門痛裂，又加麥冬、歸地、生黑芝、蕪，服下始獲全愈。

程曦曰：鞠通論燥氣，有勝復之分。今觀書中之論治，更有表裏之別焉。如秋分至，立冬之候，有頭痛惡寒作咳者，是燥氣在表之證也。法當宣散其肺。



有大便秘結而艱難者，是燥氣在裏之證也。法當  
滋潤腸胃，其能識勝復，別表裏者，則治燥之法，無  
餘蘊矣。

時病論卷之七目錄

秋傷於溼冬生咳嗽大意

痰嗽

乾咳

擬用諸法

加味二陳法

溫潤辛金法

清金甯絡法

備用成方

瀉白散

清肺飲

瓊玉膏

丹溪咳血方

千金久嗽方

二陳湯

景岳六安煎

臨證治案

盛國平金方

伏溼作嗽認爲冬溫

伏溼致嗽

痰嗽補脾取效

燥氣伏邪作咳

燥氣刑金致使咳紅

陰虛之體伏燥化火刑金

時病論卷之七

安州劉賓臣先生鑒定

三衢雷豐少逸手著

受業

新安程曦錦雲  
盈川江誠抱一

叅訂

秋傷於溼冬生咳嗽大意

考六氣之中溼氣在乎秋令故經謂秋傷於溼溼  
土之氣內應乎脾脾土受溼不司運化內溼釀成  
痰飲上襲於肺遂為咳嗽病矣夫六氣之邪皆能

秋傷於溼冬生咳嗽大意

令人咳嗽又不獨乎溼也斯言溼者是爲伏氣咳  
嗽有西昌喻嘉言先生疑溼字之訛改作秋傷於  
燥發明秋燥之論雖有悖經之罪然亦因乎六氣  
起見也蓋內經論溼殆在乎立秋處暑白露溼土  
主氣之時喻氏論燥殆在乎秋分寒露霜降燥金  
主氣之候據愚意更有界限分焉竊謂秋初傷溼  
不卽發者溼氣內釀成痰痰襲於肺而作嗽名曰  
痰嗽治宜理脾爲主滲溼爲佐如秋末傷燥不卽

發者燥氣內侵乎肺、肺失清降而作咳、名曰乾咳、  
治宜理肺爲主、潤燥爲佐、總之不越兩太陰之治  
也、斯言傷溼傷燥而咳嗽者、皆由秋令之伏氣而  
發于冬、其卽發者、仍歸傷溼、秋燥門中治之、

### 痰嗽

痰嗽者、因痰而致嗽也、夫作嗽之病、風寒暑熱、皆能  
致之、古人議論紛紜、惟李雲間、張若耶二先生、皆括  
爲內傷外感、觀其立論、卓犖不羣、然與內經秋傷於

溼之嗽無預豐不揣鄙陋而特補之斯病也良由立  
秋以後秋分以前先傷於溼溼氣內踞於脾釀久成  
痰痰襲於肺氣分壅塞治節無權直待冬來稍感寒  
氣初客皮毛漸入於肺肺氣上逆則潛伏之溼痰隨  
氣而逆遂成痰嗽之病矣其脈必見弦滑或見微緊  
右寸關必較餘部不調舌苔白潤胸次不舒痰白而  
稀口不作渴此皆秋溼伏氣之見證也理當治脾爲  
主滲溼化痰爲佐宜以加味二陳法治之如有惡寒

發熱者，再加蘇梗前胡，氣喘者，加之旋覆蘇子，當隨其證而損益之。

或問作嗽之病，四時皆有，今觀是篇，獨發於冬，他時之嗽，因何勿論耶？答曰：子不觀本論中，原有風寒暑熱皆能致之之說，四時都有咳嗽之病也。曰：何不分而論之？曰：前之風溫風熱風寒冒風暑咳，秋燥，以及後之冬溫條中，皆有咳嗽之證，若重複而論之，能不令人心厭乎？是論專言伏氣釀痰致嗽，而風寒暑熱



致嗽者、可毋重贅耳、

乾咳

乾咳者、乏痰而咳逆也、此因秋分之後、先傷乎燥、燥氣內侵乎肺、當時未發、交閉藏之令乃發、斯爲金寒水冷之欬也、前論秋燥條中、是爲燥之新邪、此論乾咳、是爲燥之伏氣、其證咳逆乏痰、卽有痰亦清稀而少、喉間乾癢、咳甚則胸脇引疼、脈沉而勁、舌苔白薄而少津、當用溫潤辛金法治之、如胸脇痛者、可加旋

覆橘絡咳逆艱難者，再加松子款冬，咳劇震動血絡，  
喉痛吐紅，脈轉沉滑，或沉數，此燥氣已化爲火也，當  
用清金寧絡法治之。如咳逆氣短，甚則有汗，咽喉乾  
燥者，當用金水相生法治之。蹉跎失治，最易延爲癆，  
損可不謹歟。

或問曰：曾見內經有五臟六腑皆令人咳之訓，今先  
生只列痰嗽乾咳爲二門，不及臟腑等咳，毋乃遺漏  
乎？曰：是書專論四時之咳，如春令風溫之咳，夏令暑

熱之咳、秋令秋燥之咳、冬令冬溫之咳、其實五臟六腑之咳、不過就其見證而分、如胸疼喉痛爲心欬、兩脇下痛爲肝欬、右胛痛引肩背爲脾欬、喘急欬血爲肺欬、腰背相引而痛爲腎欬、又有小腸欬者、欬而失氣也、膽欬者、欬嘔苦水也、胃欬者、欬而欲嘔也、大腸欬者、欬而遺屎也、膀胱欬者、欬而遺溺也、三焦欬者、腹滿而不食也、此皆內經分臟腑之欬也、念莪先生已分條治之、茲不復贅、

擬用諸法

加味二陳法

治痰多作嗽、口不作渴、

白茯苓

三錢

陳廣皮

一錢

製半夏

二錢

生甘草

五分

生米仁

三錢

杏仁

三錢去皮尖研

加生薑二片、飴糖一匙為引

苓陳夏草、即二陳湯也、注訥菴曰、半夏辛溫、體滑

性燥、行水利痰為君、痰因氣滯、氣順則痰降、故以

手

疑

用

五

陳皮利氣、痰田溼生、溼去則痰消、故以茯苓滲溼、  
為臣、中不和、則痰涎聚、又以甘草和中補土為佐、  
也、擬加米仁助茯苓以去溼、杏仁助陳皮以利氣、  
生薑助半夏以消痰、飴糖助甘草以和中、凡有因、  
痰致嗽者、宜施此法、

溫潤辛金法

治無痰乾欬、喉癢脇疼、

此桑菀 一錢蜜  
水炒

百部 一錢  
蒸

松子仁 三錢

欵冬花

一錢五分

叭噠杏仁

二錢去皮尖用

陳廣皮

一錢蜜水炒

加冰糖五錢為引

肺屬辛金、金性剛燥、所以惡寒冷而喜溫潤也、紫菀溫而且潤、能暢上焦之肺、百部亦溫潤之性、暴咳久咳咸宜、更加松子潤肺燥、杏仁利肺氣、欵冬與冰糖本治乾咳之單方、陳皮用蜜製、去其燥性、以理肺、肺得溫潤則咳逆自然漸止、

清金甯絡法

治燥氣化火、喉痛欬紅、

麥冬二錢  
去心

肥玉竹二錢

北沙參三錢

元參一錢五分

細生地三錢

旱蓮草三錢

冬桑葉三錢

加枇杷葉三錢去毛蜜炙為引

此治燥氣化火、刑金劫絡之法、麥冬玉竹、清其燥、火、沙參元參、潤其肺金、細地旱蓮、甯其血絡、蓋血

藏肝臟故加冬桑葉以平其肝肺氣上逆故加枇杷葉以降其肺使肺氣得降肝血得藏則欬逆吐紅均可定矣

金水相生法

見卷四第二十一頁

備用成方

瀉白散

治肺經有火、皮膚蒸熱、灑淅寒熱、日晡尤甚、喘嗽氣急等證



桑白皮

地骨皮

粉甘草

粳米

水煎温服

清肺飲

治痰氣上逆而作咳嗽

杏仁

貝母

茯苓

橘紅

桔梗

甘草

五味子

加薑煎食遠服

瓊玉膏

治乾咳嗽

地黃

斤四

茯苓

兩十二

人參

兩六

白蜜

斤二

先將地黃熬汁去渣入蜜煉稠再將參苓為末和入磁罐封水煮半日白湯化服

丹溪咳血方

治咳嗽痰血

青黛

飛水

括蘘

油去

海石

梔子

訶肉

精月成方

等分爲末蜜丸噙化嗽甚加杏仁

千金久嗽方

治長久咳嗽神效

白蜜

一斤

生薑

二斤  
取汁

先秤銅銚知觔兩訖納蜜薑汁微火熬令薑汁盡  
惟有蜜觔兩在則止每含如棗大一丸日三服

二陳湯

治一切痰飲爲病咳嗽脹滿嘔吐惡心頭眩驚悸

茯苓 白朮 熟製半夏 陳皮 豐日甘草

加生薑煎服

景岳六安煎

治風寒咳嗽痰滯氣逆等證

陳皮

半夏

茯苓

甘草

杏仁

白芥子

加生薑三片煎七分食遠服

豐按以上諸方通治咳嗽然而咳屬肺嗽屬脾前

於痰嗽乾咳門中已詳辨矣。須知前五方多潤肺之品以治咳，後二方多理脾之品以治嗽。若此分療治無不中。

臨證治案

失溼作嗽認爲冬溫

鑑湖沈某，孟冬之初，忽患痰嗽。前醫作冬溫治之，閱二十餘天，未能奏效。延豐診治，右部之脈極滯，舌苔白滑，痰多而嗽，胸閉不渴。豐曰：此卽內經秋

傷於溼冬生咳嗽之病非冬溫之可比也冬溫之病必脈數口渴今不數不渴者非冬溫治在乎肺此則治在乎脾張冠李戴所以乏效遂用加味二陳法去米仁一味加蘇子芥子治之三劑而胸開五劑而痰嗽減後用六君子湯增損獲全愈矣

伏溼致嗽

南鄉張某左脈如平右關緩滯獨寸口沉而且滑痰嗽纏綿日久外無寒熱內無口渴前醫用散不

效改補亦不見功。不知此證乃係伏匿釀痰，痰氣竄肺而致嗽。卽經所云秋傷於溼，冬生咳嗽也。當理脾爲主，利肺爲佐。卽以製夏化紅茯苓煨薑杏仁紹貝蘇子甘草治之。約服三四劑，痰嗽遂減矣。後循舊法出入調治旬日而安。

痰嗽補脾取效

城南程某患嗽月餘，交冬未愈。始邀豐診，診得脈形沉弱而滑，舌體無榮，苔根白膩，神氣疲倦，飲食

並廢豐曰、此賦稟素弱、溼襲於脾、脾不運化、釀痰入肺所致、以脾溼爲病本、肺痰爲病標、卽先哲云、脾爲生痰之源、肺爲貯痰之器、治當補脾爲主、程曰、風痰在肺、補之恐增其閉、卽出曾服十餘方、皆是荆防枳桔杏貝蘇前等品、豐曰、此新感作嗽之藥、與之伏氣、理當柄鑿、卽用六君加玉蘇子生米仁治之、服五劑、神氣稍振、痰嗽漸疎、繼進十餘劑、方得全愈。



江誠曰、痰嗽之證、須知有新感、有伏氣、新感之脈、必多浮、伏氣之脈、必多沉、新感之嗽、必兼鼻塞聲重、頭痛發熱、伏氣之嗽、而無諸證也、凡伏氣之證、法當宣氣透邪、前醫以荆防枳桔反未臻效、而吾師用六君補氣、蘇子降氣、米仁滲溼、而反效者、何也、蓋由風寒暑溼潛伏者、固宜透發、惟此則不然、當知溼氣未成痰之先、可以透發、既成痰之後、焉能向外而解耶、因痰之源在脾、故用六君子扶脾

以去其溼而化其痰、蘇子降氣、毋使其痰上襲於肺、米仁滲溼、毋使其溼再釀成痰、倘用宣提之方、則痰益襲於肺、而嗽更無愈期矣、

燥氣伏邪作咳

括蒼馮某、陰虛弱質、向喫洋菸、患乾咳者、約半月矣、曾經服藥未驗、十月既望、來舍就醫、兩手之脈極數、餘部皆平、豐曰、據此脈形、當有咳嗽、馮曰、然、曾服散藥未效、何豐曰、散藥宜乎無效、是證乃燥

氣伏邪之咳、非新感風寒之咳、理當清潤肺金、庶  
望入穀、遂用清宣金臟法、去甕鈴杷葉、加甘菊梨  
皮、服一劑、減一日、連服五劑、咳逆遂屏、後歸桑梓、  
擬進長服補丸、

燥氣刑金、致使咳紅、

鄂渚阮某之妾、乾咳喉疼、纏綿匝月、始延豐治、未  
診卽出前方閱之、初用辛散之方、後用滋補之藥、  
不但罔效、尤增咳血頻頻、細診其脈、左部緩小、右

部搏指、舌尖絳色而根凝黃、此屬燥之伏氣、化火刑金、雖乾咳吐紅、真陰未損、前以辛散治之、固謬、以滋補治之、亦非、斯宜清暢其肺、以理其燥、肺得清肅、則咳自平、而血不止、自止、卽用桑葉杏仁兜鈴、浙貝、梔皮、杷葉、葭殼、梨皮、再加橄欖爲引、請服三煎、忌食煎炒之物、服下稍知中竅、繼進三劑、遂獲全可。

陰虛之體、伏燥化火、刑金

古黔劉某婦素吸洋烟清癯弱體自孟冬偶沾咳逆一月有餘未效來商豐診閱前所用之藥頗爲合理以桑菊蕁旁杏蘇桔貝等藥透其燥氣之邪但服下其咳益增其體更怠晝輕夜劇痰內夾雜紅絲脈形沉數而來舌絳無苔而燥豐曰此屬眞陰虛損伏燥化火刑金之候也思金爲水之母水爲金之子金旣被刑則水愈虧而火愈熾制火者莫如水也今水旣虧不能爲母復仇必須大補腎

水以平其火，而保其金。金得清則水有源，水有源則金可保。金水相生，自乏燎原之患。倘或見欬治欬，見血治血，卽是舍本求末也。豐川知柏八味，除去山萸，加入阿膠、天麥、連進五劑，一如久旱逢霖，而諸疴盡屏卻矣。

補防誠盡其修矣

法由黃徹入阿羅天亦要致五臟一故入學致

效其血自血自量舍木木來亦對其賦用入利

國金布於金木排全皆女熱遇多思命與以養

水以平其火而給其金金精精固本育腦水育

時病論卷之八目錄

冬傷於寒大意

傷寒

中寒

冒寒

冬溫

擬用諸法

甘熱祛寒法

餘法散見各卷

備用戒方

麻黃湯

葛根湯



小柴胡湯

理中

真武湯

四逆

千金陽旦湯

千金陰旦湯

臨證治案

傷寒調治失法變證

傷寒吐衄

陽體中寒仍用熱劑而愈

冬溫肺胃合病

冬溫新感適值經行

冬溫傷陰將欲成損